

淨寬廣莊嚴

又復大王我今已捨彼四天下一切豐足無所乏少舊有七寶棄捨出家我今豈更爲此

一國細小王位而貪羨乎

又復大王譬如大海娑伽龍王果報既得大海水停以爲宮殿寬博具足七寶莊嚴豈可

復貪牛跡水耶大王當知如是如是我今既

已發勇猛心捨四天下七寶宮觀染衣剃髮出家入山今若還貪世間王位亦復如是

佛本行集經卷第二十三

業三

藕葉偶音詩閨領額吾客反繆莫官紺古

十乘

反戰慄下良躡足尼轉肘臍上知柳反擎奇

反萎鷄爲商賈上王作賣估販方萬古下謙

會見於近匹字同顯赫客反許白珂告

何泡音拋惛闇二字音窮鬱一音窮反閃電失

天慰勞到反詒息上丘嬉戲上許指劃下音獲

弊反毗祭撫許爲狹侯交開拓下音勢

佛本行集經卷第二十四

業四

隋天竺三藏法師闍那崛多譯

勸受世利品下

余時菩薩又告王言如玉前說仁者比丘身

體柔軟莫住蘭若空閑林中眠卧坐止草鋪

●

捨

之上大王當知我在自宮以妙種種諸寶爲

業

大王須識此身危脆敗壞無常非牢固形是

破散法隨有地處捨之而行猶如泥團一種

無異又復大王若有智人旣擲死屍可還捨

不若欲更收終無是處

又復大王如王前言若於我邊生憐愍者應

力古乃臂膊下音弓弩下乃筆莫報怯弱上

勘反下霹靈上音普覽反逼彼力四域加于

嗜欲視或衣下去延羸下力羸反規求俱

嗜欲視或衣下去延羸下力羸反規求俱

戮扶肉揣下音肉字瘦涕下他梨反瞽古類於葛

戮扶肉揣下音肉字瘦涕下他梨反瞽古類於葛

戮扶肉揣下音肉字瘦涕下呼黠捌反

慧上音奔濤下正作奔迅雖閻耽丁舍

須隨喜而忽嫌我乞食活命此事不然大王當知慈愛我者莫作是心何以故我今欲過

生老病死苦患之海行入道是故作此比丘之形爲求寂滅安樂處故要須受此毀好服形又未來世欲除一切諸過患故大王當知若復有人於現在世受彼五慾功德果報

涂著於愛彼等諸人事須憐愍若當有人於現世中不得寂定安樂之心其未來生決受

諸苦彼等衆生心須憐愍

又復大王我今驚畏煩惱之苦故捨出家欲求寂定涅槃真實假使我得帝釋天宮意亦不樂況復人間龐弊果報而說偈言

我被煩惱箭所射 欲求寂滅膏藥塗

設使得天帝釋宮 意猶不貪況王位

菩薩復言大王當知如王前言凡天下人在世間一切須取三時利者如我意觀此則非是真利益言所以者何求財得多會必有盡求欲轉欲無厭足時若言求法此是真利

利有深淺要必須求求之則有功能五種而說偈言

若無生老病死患 此是真實大丈夫

求財嗜慾悉世情 我捨二求唯取法

菩薩復言大王當知如王前言但且治民取於王位乃至未老正少年時且可受彼五慾

法者此亦不然何以故若少年時是常住者一切衆生應無有老在在處應不爲彼死智人若求寂定解脫法者不可得取出間王位五慾之樂是故一切若在少年若在中年或復老年但須速求應所辦者早令得辦欲

業集二千四

二

七

求解脫或求於禪莫使淹遲宜速疾作

又復大王如王前言須依家法作於祭祀及行布施隨意規求彼未來世諸果報者大王當知我今不取如是之樂若苦來逼爲切故求而得樂者此非真樂凡人求於後世果報祭祀諸天并及火神必須殺害他衆生命此

則非理所以者何若人行慈應不損害他身
命根假使祭祀一切諸天及於火神殺害衆
生得彼常樂定果報者猶尚不可殺害於命
而用祭祀況復一切所得果報皆是無常破
壞盡滅非牢固法

又復大王凡人欲行解脫法者無有別利或

無行行或無持戒或無禪定猶尚不可損害
他命而求未來利益果報又諸凡夫在於世
間以殺生故假使得於安樂果者此亦不善
所以者何以無慈故況復未來望得善報終
無是處而說偈言

假使人生在世間 殺害他命以得樂

智者稱說此非善 况復來世求人天

余時摩伽陀國頻頭婆羅王聞於菩薩如是
語已便生希有奇特之心在菩薩前以慈悲
故作如是言善哉善哉沙門瞿曇大有難行
苦行之德於世間中能捨諸慾仁者比丘從
於何方忽然而來何聚落生是何種姓父母

業集二十四

三

何處自名字誰作是語已至心諦聽
余時菩薩正心直視溫和言氣而報王言大
王當知去此北方雪山之下有大聚落名曰
釋種彼有一城名爲迦毗羅婆蘇都隋言黃
頭處彼城有一釋種之王号名淨飯是我之父我
是其子母名摩耶隋言幻我名悉達隋言成利

時頻頭王聞此語已泣涕悲啼經少時須拭
面淚已白菩薩言希有比丘既生如是大種
姓家云何在此林內獨行諸獸猛惡可畏可
怖此林不善獨自娛樂無有伴侶云何得住
坐起自安

余時菩薩報頻頭言大王當知我今不畏諸

惡禽獸亦復不驚不怖不怯設欲來者亦復
不能動我一毛大王當知我今唯畏生老病
死之所逼切故來在此諸惡獸中驚畏林內
獨一無伴而自娛樂

大王當知老最可畏所以者何老來逼時能
奪年少盛壯將去摧折身形彌脊僵慄不能

行步猶如枯樹誰喜樂看此最可畏
又復大王其病來者是名可畏所以者何平
健之時不知不覺一朝痛切宛轉呻吟華色
充鮮忽然悴滅煩冤楚毒眠坐不安當於是
時誰能代者卧在床枕勢不從心以是因緣
病最可畏

又復大王死最可畏所以者何死來之日減
我壽命忽撮將去雖復力能統四天下金輪
摧伏七寶導前利刃強兵不能遮制爭奪可
得以是義故死最怖人

余時頻頭娑羅王復更重問於菩薩言大聖
太子仁今求何菩薩報言摩伽大王我今求

者唯是阿耨多羅三藐三菩提得已當轉無
上法輪是故余耳

時頻頭王白菩薩言大聖太子如我所見仁
心勇猛慤劬精進波定得成阿耨多羅三藐
三菩提終無有疑又決能轉無上法輪善哉
太子我今見仁善哉太子我聞仁名善哉太

業

集二十四

四

唐

子仁善出家仁釋種子我從今日當常承事
大聖太子我今請仁恒常日日來至我宮願
數見我仁之所須四種事者我當供養不令
之少時頻頭王作是語已菩薩報言大王當
知我今不久從此移去更詣餘方

時頻頭王聞是語已合十指掌白菩薩言大

聖太子仁心所求唯願莫有諸魔障礙所親
獲者願早成辦仁釋種子願仁若得阿耨多
羅三藐三菩提時我於仁邊恭敬供養見仁
身已即當為仁作於聲聞如法弟子即便說
偈而讚歎言

我頻頭王合掌讚 唯願太子道速成

若所作辦憶今言 爲諸衆生賜憐愍
余時菩薩聞此語已即報王言善哉大王願
如王言所作誓願彼此俱善時頻頭王合十
指掌一心頂禮白菩薩言善哉太子今可為
我受於懺悔我以無智惱亂大聖太子離惱
以為不淨我心染慾以慾為淨唯願恕亮除

我此罪

尔時菩薩熙怡微笑報頻頭王作如是言善哉大王如是如是我以受王清淨懺悔願王安樂少病少惱謹慎身心更莫放逸但行善法捨離非法若如是者王得安隱多受吉利是時菩薩慰喻頻頭娑羅王心法義說故令

集

集二十四

五

其歡喜勸請教示顯說宣揚從坐而起漸行餘處

時頻頭王即前頂禮菩薩二足圍遠三帀立地而住面向菩薩觀瞻少時即從彼處迴還到宮而有偈說

菩薩印可頻頭語 我得成道當度王

思惟大聖行喜歡 不覺從山還本國

佛本行集經精進苦行品第二十九上

余時菩薩從般茶婆山林而出安庠徒步向伽耶城既到彼已登上伽耶尸梨沙山隋言
象頭欲攝身心滅除諸惡上彼山已選平整處在一樹下鋪草而坐是時菩薩內心思惟三種

譬喻悉是世間希有之事未曾聞說未曾覩見未曾證知何等爲三一者所謂若有沙門若婆羅門雖復身體不行於惱而其彼等所有惱中一切心意慾愛慾惱慾熱惱著而滅不盡未得正定猶有我相自度一身彼等沙門及婆羅門恒受苦惱意不喜者心不樂處不能知見又復不得上仁之法亦不能證無畏之處然其彼等雖無我相不獨度身不受苦惱雖不受意不喜不樂而猶不能知見證法及無畏處

譬如有人取生濕木並及濕糞置於水上就中鑽火有人故從彼岸而來就其乞火然如是人從生濕木濕糞水上出力鑽火有能得火與彼人不若能得者終無是處火既不出彼人從求於何而得如是如是若有沙門及婆羅門雖不行惱乃至不能知見證法此即是初第一譬喻世未曾有亦未曾聞

余時菩薩復更第二思惟念言若諸沙門及

婆羅門雖禁制身不行於慾彼等所有慾中意貪熱惱及著而滅不盡未得正定猶有我相自度一身徒受苦惱不喜不樂不能知見證上仁法無畏之處又復彼等雖無我相不獨度身不受苦惱及不受心意不喜樂不能知見證上仁法及無畏處譬言如有人取生濕

業

集二十四

六

木置於地上欲鑽出火亦復有人來從乞火向其此人從生濕木鑽欲求火能得於火與彼人不若能得者無有是處如是如是是諸沙門婆羅門等雖不行慾乃至不能知見證法此第二喻卅未聞有

余時菩薩復更第三思惟念言若諸沙門及

婆羅門雖禁節身不行於慾彼等所有慾中意愛惱熱及著滅盡正定此等沙門婆羅門等雖得自利及以利他心中喜樂能知能見得上仁法證無畏處譬如有人取乾燥木及以乾糞置於地上欲鑽出火亦復有人還從此岸向其乞火而其是人用少功夫即便得

火持與彼人如是如是若有沙門及婆羅門離慾而行彼等設有慾中意愛惱熱皆滅乃至得彼上仁之法證無畏處此是菩薩第三譬喻自意念生悉是卅間未曾聞見

余時菩薩從彼伽耶尸梨沙山下來摩伽陀聚落內次第而行借問人言此處有何功德

可行有何非法宜須除斷我今欲求最上寂定最妙音辭如是前行至伽耶南有一聚落其聚落名優婁頻螺及至彼處日以食時菩薩著表入彼聚落詣一陶家從乞瓦器得已手持歷彼聚落次第乞食到一村主長者之家然其長者名難提迦自喜至彼家已却立

業

集二十四

七

一面默然而住其難提迦自喜村主有一善女名須闍多隋言彼女端正可喜無雙爲諸世人之所樂見其善生女遇見菩薩手持瓦器默然立住欲乞求食善生見已從其二乳自然汁出時善生女問菩薩言最勝仁者仁是誰子是何種姓名字云何父母何處今欲

仁

何求仁者云何有何神異令我一見使我兩乳汁自然流

余時菩薩報言善姊我名悉達此名是我父母所立我今欲求阿耨多羅三藐三菩提得已當轉無上法輪時善生女聞是語已從菩薩手而取瓦器入自家中滿盛香美甘味飲

食并及種種餅果羹臘溢瓦器中即出胡跪奉授菩薩口作是言最勝仁者我願恒常供養仁者衣服飲食卧具湯藥四事所須悉令充足唯願仁者慈悲納受我觀仁者父母立名復見仁者精進勇猛至意專心必當成就

阿耨多羅三藐三菩提決定轉於無上法輪

真實不疑仁者若成菩提道時當來我家受我供養度脫於我當與仁作聲聞弟子是時菩薩報言善姊當如所願既受食已即便捨行余時菩薩從善生女乞得食已於空靜處如法而食食已經行漸到一處地方平整清淨可喜心樂欲觀樹林蓊鬱枝條繁茂多饒

華果清淨流渠香美諸水河池泉沼映發交橫種種豐饒無所乏少彼等諸水不淺不深澄清皎潔易渡易取其內無有毒惡諸虫而具足妙好禽獸去離聚落不近不遙往來乞求無疲無乏其間道陌土地坦平不下不高易行易涉若當有人欲求無上最勝利益

易得易成速辦速證兼絕蠻蟲及諸亟鷗又不喧鬧晝少行人往來擾亂夜斷音響安靜清閑冷暖調和風雨順節堪可修道禪定修心又往昔時有一王仙名曰伽耶隋言象在中停止是彼王仙舊城居處

余時菩薩見此地已如是思惟此中地勢快

業集二十四

好方平暫覩即便爲人所樂乃至堪可修道行禪若有丈夫欲求無上最勝之利斷諸惡者此地足堪安止而住我今旣欲摧伏諸惡修諸善根宜應停止坐於此處以求菩提必令成就

菩薩如是心思惟已即便取草鋪坐此地欲

修習禪既坐定已心如是念令諸衆生求解脫者悉行種種衆雜苦行所謂或有諸衆生輦懸住二手以捨世間一切諸事有為法故彼等如是苦行之人或乞食時不從鉢口內受於食或有不從小口鉢內受取於食或有不從兩羊之間受取於食或有不從人糞穢間受取於食或有不從柱杖人邊受取於食或不從執刀杖人邊受其施食如是確間及知婦人不淨來時不從受食或見婦人懷妊之時亦復不從其邊受食或知人家有不淨業不從受食或有不從酒醉人邊受取其食或有兩人喫食之時亦復不從其邊受食受食之時有狗來前亦不受食又受食時其上或有蚕蠶等來不淨穢惡亦不從受或復有人唱喎而喚來與汝食亦不從受有人唱云汝住與食亦不從受或人唱言我作食施汝當待取亦不從受有人故為造作於食亦不從受或復有人祭祀諸天殘餘之食亦不從

唐

集二十四

九

受食內若有沙糖石蜜亦不從受有酥油等亦不從受食內或有乳酪等物亦不從受食內若有魚雜肉等亦不從受或食內有興渠臭薰諸辛味等亦不從受或復止受一家之食齋一口止或受二家至兩口止乃至或受七家之食還復食於七口而止或復一日止一時食或復一日兩時而食或一日半始喫於食或經三日乃喫一食或時一日少許而食或時兩日亦少許食乃至七日亦少許食或唯食菜或唯食稗或復唯食樹嫩枝條或唯食酪或復唯食迦尼迦羅樹之枝柯或復有時純食羊糞或復有時純食牛糞或烏麻滓或雜果子或食諸種一切草根或食藕根或食種種草莖枝條或復有唯空飲於水而以活命或有隨宜所得多少即以活命或復有學野獸食草以活於命或時立地卓然而住或復有坐一定不移或復四支拄著於地以口受食或有唯著

純草之衣

或有唯著塚間弊衣或復有著種種草衣或復有著嬌奢耶衣或以白桃皮作衣者或以龍鬚而作衣者或復有用諸畜生皮而作衣者或復有用故畜生皮而作衣者或有以諸毛堯作衣或有破諸畜生之皮爲條作衣或

復有以糞掃作衣

或有裸形或卧棘上或卧板上或復有卧摩尼之上或卧椽上或卧塚間或蟻垤內猶如龜居或露地卧或復事水或復事火或逐日轉或有舉其兩臂而住或有蹲坐或復有用沙土烟塵以塗全身正立而住或不梳洗頭首面目髮如螺髻拳攀而住或復拔髮或拔鬚眉

或復有事泉池井河渠源諸神地神樹神林神山神石神夜叉羅刹羅睺隋言阿脩羅王婆梨隋言阿脩羅王毗摩質多羅隋言阿脩羅王利等阿脩羅王或事歲星或有事醫藥王仙

業

集二十一

十

唐

已發心欲行可畏極苦之行而有偈說

菩薩旣至尼連河以清淨心岸邊坐

爲諸求道不真故欲行大苦化彼邪

爾時菩薩始是觀察專正思惟坐訖合口以齒相拄舌築上齶一念攝心如是繫念調伏

身意以齒舌齶攝心繫念修習之時腋下汗流菩薩旣見汗如是流更復重發勇猛精進心無所著不錯不亂住寂靜心一定不動如是最上若身意口悉皆不動是時復作如是念言我今可入不動三昧

爾時菩薩從口喘息及以鼻氣悉皆除滅口鼻滅已即時便從兩耳孔中出大風聲其風

人或事婆羅墮仙人者或復有事瞿曇仙人或事毗沙門天王者或復有事童子之天或自在天或復事日或復事月或復有事那羅延天或帝釋天或事梵天或事護世四大諸天如是各事令歡喜已從乞求願稱願得已各求解脫菩薩旣觀彼等如是邪求解脫見

聲氣猶如鑄酥在大甕裏搖攬於酪出大音
聲如是如是菩薩閉其口鼻之氣不使出時
於兩耳孔出風氣聲亦復如是菩薩復念我
今已發精進之心無處染著捨於懈怠乃至
如是最上苦行最勝難行重復思惟我可更
入不動三昧

業

集二十四

上

唐

余時菩薩既寂定身及口意已還止口鼻及
耳喘息一切皆杜既口鼻耳悉寂定已內風
壯大不得出故氣衝於頂譬言如勇健最大力
人取好利斧打捧他腦如是如是菩薩從其
口鼻及耳閉氣不出內風壯故打腦之聲亦
復如是菩薩復念我今已發精進之心無處
染著捨於懈怠乃至如是最上苦行最勝苦
行思惟是已即便更入不動三昧

是菩薩以內氣不出故身受熱惱亦復如是
思惟是已乃至更發精進之心一切無著已
捨懈怠得於正念心不散亂一切寂靜身口
及意並得正受如是勝妙最上苦行

余時上界有諸天來見於菩薩如是苦行各
相謂言今此悉達大智太子已取命終而彼
衆中復更別有其餘天子共相謂言此之悉
達太子現今其命未終始欲取盡或復更有
諸天子言此之悉達大聖太子現亦不死後
亦不終何以故此之太子是阿羅漢凡羅漢
者有如是行不須恠之

余時菩薩在彼蘭若所用心處作苦行時即

或復破脇如是如是菩薩乃至內風強故兩
助間轉穿破之聲亦復如是思惟是已乃至
更發精進之心最勝苦行我今還入不動三昧
余時菩薩從口鼻耳閉氣不出內風強故令
身熱惱譬如最大二壯力士取一弱人各執
一臂將其向彼大火聚上或燔或炙如是如

得成於最大苦行是時菩薩坐處四面周布所有隣比聚落諸人皆來見於菩薩如是若行作如是言此沙門旣行大苦行是故立名言大沙門大沙門名起於彼唱以是義故有此名稱

尔時菩薩復更如是思惟世間或有沙門或

集二十四

十二

仁

婆羅門制限食故而建立行各守清淨彼等或復唯食於麥或食煮麥或食麥屑或以麥作種種諸食而以活命如是更復或食烏麻或食粳米或食小豆或食大豆乃至或食純大豆飯或大豆汁或大豆屑或以大豆作種種食持用活命或有沙門及婆羅門斷一切

食建立淨行我今亦可斷一切食而行苦行

菩薩如是心思惟已

爾時彼處忽有諸天隱身不現來菩薩所白菩薩言大聖仁者願莫如是思惟此念欲得令斷一切不食所以者何仁今若欲斷一切食而行行者我等諸天各將一切天味下來

入於仁者毛孔之中而令仁者得存活命又復仁者不損害身

爾時菩薩聞此語已如是思惟我今既語一切人言我全不歟一切諸食而今諸天自隱其身將天味來入我毛孔令我活命此則是我最大妄語誑惑一切如是念已告彼天言

汝等諸天雖有此心是事不然

爾時菩薩斷彼諸天如是意已日別止食一粒烏麻或一粳米小豆大豆綠豆赤豆大麥小麥如是日日各別一粒是時菩薩復更思惟我今可以手掌盛取少少汁飲而活於命或小豆臘赤豆碗豆綠豆臘等

集二十四

十三

爾時去彼聚落不遠其中有最大小種姓婆羅門名斯那耶那隋言并彼婆羅門從摩伽國頻頭王邊得一聚落以爲封邑其邑即與優婁頻螺聚落相近彼婆羅門得封邑已還立字名斯那耶那復更別有一婆羅門名曰提婆隋言彼婆羅門生地在彼迦毗羅城經

營一事漸漸行至斯那耶那村邑而住少日爲客是時提婆婆羅門更經營別事因行漸至菩薩住林時其提婆婆羅門見菩薩在林行大苦行見已即識作如是言此是我國悉達太子乃能如是行大苦行彼見菩薩如是苦行心大歡喜

余時菩薩見彼提婆婆羅門心向於菩薩生歡喜已即告提婆婆羅門言大婆羅門汝能爲我辦少許食活我以不若小豆臘大豆綠豆赤豆等羹而我食之持用活命彼婆羅門心狹劣故少見少知無廣大意欲行布施述可此語報菩薩言大聖太子如是之食我能辦之彼婆羅門於六年中日別如上所須之食以供菩薩菩薩日日受取此食依法而食

以活身命

余時菩薩恒以手掌日別從受隨得少許而食活命或小豆臘及赤豆等是時菩薩受食既少隨掌所容如上所說諸豆汁食菩薩如

是食彼食已身體羸瘦喘息甚弱如八九十衰朽老公全無氣力手腳不隨如是如是菩薩支節連骸亦然菩薩如斯減少飲食精勤苦行身體皮膚皆悉皺縮譬如苦瓠未好成熟割斷其蒂置於日中被炙萎黃其色以熟肌枯皮皴片片自離如枯頭骨如是如是菩

薩觸體猶是無異菩薩既以少進食故其兩眼精深遠陷入猶井底水望見星宿如是如是菩薩兩眼覩之纔現亦復如是又復菩薩以少食故其兩脅肋離離相遠唯有皮裹譬如牛舍或復羊舍上著椽木時彼聚落所有羊子牛子馬子行於彼林見於菩薩如是苦行見已各各生大歡喜發希有心恒常承事

供養菩薩

十四

唐

佛本行集經卷第二十四

業四

偃亞偃息也危脆下取
歲反
淹遲上
一
僵僵

主反
悴減才
遂反
擗

七
活

想亮音庶
上

觀羈

蜀下音攢鑽子官反上坦平上他燥燥蘇老反
 美臙下呼各反溢夷一蚕茧上音文下蟲鵠
正作蠻反
 嫩反嫩因枝柯下音津俱史毛耗下音稗蒲賣
上郎反
 繫果反繫直緣蟻垤下徒反蹲坐上音全蒲問
上巨貞反
 繫下力貞反驥驥即斯反下賤婆染失反築指
上音湧下反
 繫上失反築指拳形

腭齶非下正上腋亦鑽子官甕於貢攬郎敢
 皆杜古反斧刀棒蒲講脅脇虛業反隣
比毗下音
 肩先結粳粃音庚巨臙下呼寔
下烏官反
 皮膚夫音皺被上俱反弧譎蒂音
正去聲
 肌餽陷咸字纔音燔音煥

佛本行集經卷第二十五

譜

上復有鸕鷀鸚鵡及拘翅羅或諸孔雀迦羅
 頻伽命命鳥等自相娛樂或復命喚作微妙
 聲時淨飯王聞是聲已長歎歎息捫淚而言
 嘴呼我兒悉達太子忽然捨我奄經六年既
 其出家令我不見咄哉我今獨用此活知復
 何爲我今不見子悉達故在於此處諸妓女
 中左右圍繞雖復晝夜作諸音聲箜篌琵琶
 琴瑟鼓吹種種音樂我今受此上妙五欲我
 子云何獨自在彼山林曠野無人衆內爲於
 種種野獸圍繞虎狼師子及白象等一切諸
 獸或復諸獸各以爪牙自相殘害齒噉而食
 汝在彼處誰復得知或死或生寂無消息其
 淨飯王心地如是憶念愁憂苦惱不樂

尔時淨飯大王盛春時至遊戲觀看見諸園
 林新出枝葉種種雜卉衆華開敷清淨莊嚴
 遍滿其內水中鵝鴨鴟鴞鳩鷄充溢諸池樹
 精進苦行品下

隋天竺三藏法師闍那崛多譯